



Medlem af Inatsisartunut ilaasortaq  
Anda Uldum  
Demokraatit  
/Maani

**Naalakkersuisut nalimmassaanerup nutaamik ilusilerneqarnissaanik siunner-  
suutaannut tunngatillugu § 37 naapertorlugu akissut.**

11.august 2014

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

Saaffiginnissutinnut qujanaq.

*Apeqqu 1. Naalakkersuisut Kommuneqarfik Sermersuup innuttaasumut ataatsimut  
aningaasatigut atugassakinnerpaaffinngortinneratigut nunatsinni kommunini piitsu-  
nersanngortitserusunnerat sumik peqquteqarpa??*

Akissut: Ilusiliussami uuttortaait inuiaqatigiit agguataarnerannik, inuiaqatigiit  
aningaasaqarnerannik aaqqissuussaannermillu tunngavillit, pingaartitassatut toqqakkat  
atorlugit saqqummiunneqartutut inernillit atornerqarput. Ilusissamik toqqaanissaq pillugu  
Naalakkersuisut isumaliuteqarnerminni kommunit arlaata innuttaasumut ataatsimut  
aningaasatigut atugassaqaqarnerutinneqarnissaat siunertarineqanngilaq. Siunissami  
ilusissatut atugassamik toqqaaneq sapinngisamik uuttortaatinik  
soqutigisarsiorfiunngitsunik kommunit aningaasartuuteqariaasiannik ersersitsiviusunik  
tunngaveqassaaq.

Matumani inuiaqatigiit agguataanerat aallaavigalugu kommunit pilersuisutut  
nammagaasa uuttortarneqarnissaat pingaarnertut uuttortaataavoq. Kommunit  
ilusissamik aalajangersimasumik isumaqatigiissuteqarsinnaasimangillat. Ilusissap  
sorliup 2015-imi nalimmassaanissamut tunngavigineqarnissaata  
eqqartorneqarnissaanut Naalakkersuisut suli periarfissaqarsimangillat.

*Apeqqu 2. Naalakkersuisut nalimmassaanerumut ilusiliassatut siunnersuuteqarnermikkut  
Kommuneqarfik Sermersuup missingersuutai 56 millionit koruuninik  
ilanngartuiffiginiarpaat. Taamaaliortoqarneratigut kommunimi tamarmi kiffartuussineq,  
Tunu nunaqarfiillu ilanngullugit, ajorserianngitsoornaviannigilaq. Nunaqarfinni Tunumilu  
inuuniarnikkut atugassarititaasut ajorseriartinnissaannik Naalakkersuisut  
kissaateqarnerat sumik peqquteqarpa?*

Akissut: Qulaani allassimasut naapertorlugit ilusissamik nutaamik toqqaanissaq,  
tassunga ilanngullugu 2015-imi qanoq annertutigisumik Kommuneqarfik Sermersuomit  
nalimmassaasoqarnissaa pillugit suli aalajangiisoqanngilaq.

Naapertuuttumik paasiuminartumillu tunngaveqarluni pissappat nalimmassaanerup  
2014-imut sanilliullugu 2015-imi annertunerunissaa kommunimit oqaatigineqarpoq.

Nalimmassaaqqinnermut aningaasat suminngaanniit kommunip missingersuutaanut sunniuteqassanersut, tassunga ilanngullugu kommunip iluani nunami sumiiffinnut agguataarisoqassanersaq Kommuneqarfik Sermersuumi kommunalbestyrelsip nammineq aalajangiiffigissavaa.

*Apeqqut 3. Naalackersuisut nalimmassaanerup iluarsartuuteqqinneqarnerata kingunerisassaani naatsorsuinerminni tunngavigisaasa ikippallaarnerinik, aammalu iluarsartuusseqqinniarnermi ilusiliassatut siunnersuutigineqartup kingunerisassaata ilisimaneqavissunnginneranik BDO-p naliliinera Naalackersuisut isumaqatigivaat, taamatullu tunngaveqarluni aalajangiisoqarnissaa Naalackersuisut illersorneqarsinnaasutut isigivaat?*

Akissut: Paasissutissatigut tunngavigisat pitsaanerusinnaanerat pillugu Naalackersuisut BDO isumaqatigivaat. Kommunit assigiinngitsunik amigartunillu kontulersueriaaseqarnerat minnerunngitsumik ajornartorsiutaavoq. Taamaamat siunniunneqartunit amerlanerusunik uuttortaateqarluni nalimmassaariaasiliornissaq ajornakusoorpoq. Tamatuma kingunerisaa nalimmassaariaatsip nutaap 2015-imuinnaq atuunnissaa Naalackersuisut kommunillu isumaqatigiissutigaat.

2016-ip tungaanut qajannaannerusumik ilusissaliornissamut paasissutissatigut pitsaanerusumik tunngavissiorinissaq sulissutigineqassaaq. Tamanna Naalackersuisut akisussaassuseqartumik suleriaaseqarnertut isigaat.

*Apeqqut 4. Nalimmassaanerup nutaamik ilusilerneqarnissaa siunnersuuteqarnermi pingaarnertut siunertarineqartoq tassaasoq Siumup tunuliaqutaanik iluaqusersuinissaq Naalackersuisut isumaqatigivaat?*

Akissut: Naamik.

Borgmesterit sisamaasut tamarmik, KANUKOKA-p Naalackersuisullu nunatsinni oqimaaqatigiimmik ineriartortitsinissamut aqqutissiuussisoqarnissaa isumaqatigiinnissaat anguniagaavoq.

Inussiarnersumik inuulluaqqusillunga  
Med venlig hilsen

Vittus Qujaukitsoq